



路史

太史公作史記蘇子述古史自黃戲而上本道自仲尼不道也予違太史公貌千三百載矣又上誣之萬載之前非取益於聖人也以學者猶欲言也神翰雌雄之書輜軒黃車之錄克棟連牀曜聯而轂繫矣然心術或蔽違離道本苟以譁衆取寵故觸途而輒寔皇甫謐之世紀譙周之史攷張惜之系譜馬總之通歷諸葛耽之帝錄姚恭年之歷帝紀小司馬之補史劉恕之通鑿外紀亦粗諄矣而其學伎淺不足取信太史公丁孤羸威學之後首撥隧緒既足通遺而蘇

子所述第發明索隱之舊茲固未足爲全書而予之路史所爲起也嗟乎人者天地之英而聖人之道與天地並春生夏長天地有不至聖財成焉賞善罰惡天地有不及聖輔相焉其所以贊天地之化毓者至矣是故天地雖大非聖人有不立三皇五帝又聖之出類而人道之極摯者也然其猷爲制度反菴藹而不昌得亡惜乎或曰今古異道古之不可施於今猶燭之不可用於旦也吁亦廬臧爨獲蒙蒙亡志者之屏見余道一而已惟精惟一允執厥中自伏羲以來炎黃小顛顛譽陶唐姚虞伯禹俱以是傳以今金之

雖前乎千萬載稽符合節是且莫之轍也風容臯夔之徒英靈猶在後雖殊世風烈猶合於特方其所表見可得而言矣曷古今之異哉雖然清穆之編詎宜辱於樗鈔之手邪式爲抄類而獲奇紀且太史公來百千賢之論話詮矣語留千載此其時也故予論世天皇以還尼于有夏以繼太史公蘇子之亡其有所明則諉之私屬疏之下方夢雋之論餽誚碩人亦徒以移衆云歷紀乾道龍集庚寅亞歲廬陵羅 泌長

原叙

路史別序

宋抄

輝自夷陵抵衡湘有爲輝言廬陵有君子曰羅長源
智識弘遠所作路史博達該至恨不一日見之以方
問族五牟道當繇吉中心幾有星雲之快而猶竊患
不偶比屆廬陵何期忽偶紹介得接公於闔閭之外
議論粲發問及路史則方錦囊相隨遂獲一觀竒秘
然後信所謂五帝之佐無不賢三皇之佐無不聖爲
不虛語實天下之竒作也豈惟如是而已哉公固自
謂我

朝之文所尚山谷老泉至於東坡少所甚愛然其發

論乃有時而相似又何邪輝竊論之公之立言遠禍
賈誼而叙述則在莊馬之間班范而下不論也讀封
建之論則知先王之制治觀封禪之論則悟聖人之
遺意稽小弁之說而父子兄弟之情親知詩之不主
於文讀甘誓之說而君臣上下之義明知書之不主
於事稽微子三仁之論而隱顯出處之方立知義理
之不浮虛稽吳楚書人之說而尊卑內外之分申知
春秋之不褒則至於祝融論樂之作則直與樂記齊
上下所謂西漢文章能以文叙事者優爲之矣嗟乎
不觀論語聖賢之進退無以識三皇五帝之道高不

觀路史變故之紛沓無以見三皇五帝之道大使遂
行之不惟俛管窺甌舉之徒不敢妄述而表褐談禪
之士亦不敢以誕矣向使漢儒有知伊周非攝之論
則無奔卓之禍知大麓非職之說則無曹馬之禍若
齊梁有此書則佛老不張唐室有此書則藩鎮不強
五代而有此書則十國不狂

靖康而有此書則戎翟不昌習而讀之固足使亂臣
賊子之知懼而可以國家長久禍亂不作矣實五經
之鼓吹而諸子之權衡也竊又評之立蕭曹勳業易
作羅氏路史難路史之功固不在於禹下輝之孱微

路史前紀
無高銜大具以邀說於人言之有不足信然昔人謂
文章自有公議而公亦謂杜甫非詩人識者知公此
語則知路史矣丙申六月十五日西蜀費 輝謹序

路史前紀九卷

廬陵羅

泌



第一卷

初三皇

叙四太

第二卷

二靈

九頭紀 第一

叙十紀

第三卷

聖賢集卷九

循蜚紀 第七

第四卷

因提紀 第八

第五卷

因提紀 下

第六卷

禪通紀 第九

第七卷

禪通紀二

第八卷

禪通紀三

第九卷

禪通紀四

聖賢集卷九

路史第一卷

盧陵羅

男

泌

革承命註

初三皇紀

初天皇

初地皇

初人皇

事有不可盡究物有不可臆言衆人疑之聖人之
所稽也易有太極是生兩儀老氏謂有物混成先
天地生而盪者遂有天地權輿之說儀匹也不曰
二儀者二有



先後兩无彼此有相匹之意矣天一地二者此先
後之言余地亦惟一而云二者言下已落第二也
李明之衡山記云朱符謂火筋如兩儀成變化夫
不可缺一當有識者辨之有太極說見發揮

太極者太一也是為太易太初列圍寇曰有形生

於無形无形天地之始天地之初有太易有太初

有太始有太素太易者未見氣太初者氣之始太

始者形之始太素者質之始氣與形質具而未離

曰渾淪混池也河圖括地象云易有太極視之不

見聽之不聞循之不得故曰易易內篇云日月相

及易之名二易無形埒大衍之數五十其用四十

說見發揮倍是之謂无形埒无易變而為一北方一變而為

七七變而為九七行數九玄數此河洛自然之用

矣還返變通之謂也是九者究也九變復而為一

始則終終則始會九而復元變九而復貫易卦自

一變至七為歸魂而本宮之氣革矣復二變而返

手本體是復變焉一也一者形變之始也天以一

九轉之道亦數之足余一者形變之始也而變四

地以一而變四四有體而一无體是故天之體數

四而用者三不用者一地之體數四而用者三不

用者一一者數之始而非數也二二而四三三而

九以至九九八十一皆可變以乘而一不變百則

十也十則一也故亦不變去其清輕而騫者為天
濁重而墜者為地冲粹而生者為人此上本易乾
見列子知此說則可天地壹縕萬物化醇男女會
以究天地之蘊矣天地壹縕萬物化醇男女會
精萬物化生而庶彙繁矣天地交而萬物生也夫
一氣之中五行並育而

五行之生各一其性乾道成男坤道成女自是行之則為十為百為千萬如核既圻則根生榦榦生枝枝生葉斯謂三生萬物 雖然治故荒忽并魚聽近非所詳

言而往昔載謀又類不融正閏五德終始之傳乃

謂天地之初有渾敦氏者出為之治即代所謂盤古氏者神靈

一日九變蓋元混之初陶融造化之主也六韜大明云召公對文王曰天道淨清地德生成人事安

寧戒之勿忘忘者不祥盤古之宗不可動也動者必凶今頴之會昌有盤古山本盤固名其相鄉有

盤古保而雩都有盤古祠盤固之謂也按地理坤鑑云龍首人身而今成都淮安京兆皆有朝祀事

具徐整三五歷紀及丹壺記至唐袁天綱推言之真源賦謂元始應世萬八千年為一甲子荆湖南

北今以十月十六日為盤古氏生日以候月之陰晴云其顯化之所宜有以也元豐九域志廣陵有

盤古冢廟殆亦神假者錄異記成都之廟繼之以有盤古三郎之目庸俗之妄餘詳發揮

天皇氏地皇氏人皇氏下卷所紀在洞神部又有

所謂初三皇君詳見發揮而以此為中三皇蓋難得而

稽据然既揄之矣此予之所以旁搜旅摭紀三靈

而復著夫三皇也諸書說三皇不同洞神既有初

媯神農為後三皇周官大戴禮六韜三畧文列莊子不韋春秋有三皇之說而劉恕以為孔門未有

明文孔安國曰伏羲神農黃帝之書謂之三墳世遂以伏羲神農黃帝為之三皇斯得正矣至鄭康

成注書中候勅省圖乃依春秋運斗樞緝黃帝而益以女媧與洞神之說合然白虎通義乃無女媧

而有祝融甄曜度與梁武帝祠象碑則又易以遂人蓋出宗均援神契注與譙周之史攷紛紜不一

故王符云聞古有天皇地皇人皇以或及此亦不敢明至唐天寶七載始詔以時致祭天皇氏地皇

氏人皇氏于京城內而玉輿建言唐家仙系所宜崇表福區請度昭福作天華上宮及靈臺大地娑

父祠於是立三皇道居太古天皇中古伏羲
女媧等堂皇則太古夫皇外復別立三皇矣
氏之世但聞罕漫而不昭晰有不得而云矣王充
曰古之水火今之水火也今之聲色後之聲色也
鳥獸竹木人民好惡以今而見古繇此而知來千
世之前萬歲之後無以異也事可知者聖賢所共
知也不可不知者雖聖人不能知也非學者之急今
一切隔之

初三皇紀
路史第一卷

路史第二卷

廬陵羅

男

華承命註

中三皇紀

天皇氏

天地成位君臣道生粵有天皇

易通卦驗文按洞神部以此為中三皇君

是君臣道生之後

是曰天靈

外紀云十二頭號曰天靈

望獲強尊

以獲為名以望

為姓字子潤號中天皇君並詳洞神部

頊羸三舌

十二文 驤首鱗身

傳記三皇

皆蛇身此亦形相余說在女媧紀

碧廬禿楬

丹壺記 首出廢物君有五

期五行期運一

寔司元化歲紀攝提

見徐整曆紀

斟元陣

樞以立易威

春秋保乾圖云天皇於是斟元陳樞以立易威言斟酌元化該皇極以建易道

宋君云威則也言斟酌元氣陳

秉錄司契無文不懷

乾曜迨元像符合氣

太微黃書云天皇象符以合元氣長生之要

亭毒萬

有風行焱逝

亭毒其形毒散其氣

靈書八會

王經隱注云三皇天文謂之太上王

策按洞神第十四一天皇內字二地皇內記三人皇內文皆三元八會自然成文鳥迹之始也真誥曰八會文章之祖也一皇演八會之文為龍鳳之章雲

然洞神

三皇經云三皇自然之文皆以金玉為用天皇所授玄王為簡青玉為文地皇所授皇王

為簡白王

為文蓋道家者流以三皇經為三墳太洞經云三皇經者玉真洞清上清洞玄太清洞神也三

洞蒼元經

云洞真上清也洞玄靈寶也洞神三皇也然近代三墳書非此也有跋見發揮

華

洞神經有三皇印三皇王券一曰金契三皇經云自然之文皆綴以金鈎置一王案覆以珠巾券以

五香時

人風真淳太真科云大化始立人風真淳故

以十華

三寶度三品之人洞神名僊寶之

道按三皇之世

洞玄名靈寶之道明三才度五帝豐

之世洞真名天寶

之道紀清正之方濟三代之後骨

真得極

靈寶經云二一者上一真帝之極中一真皇

地皇得主

故上成正一人皇得妙故上成衆

妙三皇體真而守

一其真極也得一而已

復

提名策名也旋無門無旁神運四奧被迹無外無

熱之陵

遁甲開山圖云天皇出於桂州即無外山也鄭康成云無外之山在崑崙東南萬二千里

水經注云或言即崑崙

柴氏三輔九翌為世億齡

始學篇

天皇十三頭皇氏洞紀云一姓十三人也它

州長天

下故河圖括地象云天皇九翼提名旋復蓋

輔翼者九人

余易通卦驗云天皇氏之先與乾曜合

元君有五期

三輔公卿大夫也故禮記正義謂三才既

判尊卑自然而有天地初分即應有君臣治國第
年代綿遠而無文余三輔九翼併皇是十三人
地皇氏

天皇氏逸地皇氏作出於雄耳龍門之岳見遁甲

名岳姓字子元號馬蹠妝首十一龍君迭辟繼道皇

十一君皆女面龍額馬蹠水經注榮氏云兄弟十一
人面貌皆如女子而相類地身獸足出龍門山主

治荒極雲章載持逮天協德與地侔貲洞神經云中

入荒四極四太始之元三皇一等經云中天皇以

始元年出治平初太始云上竟號年按道書有元景

延和赤明延康康泰龍漢開皇元極等號而武帝內

傳又有青虛三統經序有中皇之類上成正一不生

不化覆却萬物覆於下却於後得道之兼立乎中央

神與化游唯庸有光見文子等書鬼出電入龍興鸞

集鈞旋轂轉周而復匝鴻烈爰定三辰是分宵晝通

曆或謂三辰有度晝夜有經何定分之有日不然茲

持後世作儀器以揆躔度準盈虛以正昏明者固非

移日月而易晝夜也是知躔魄死魂生式殷月候通

度晷景之用有自於此矣史此亦本自然余凡事有出而死致姑取以證者此

之類諸治徑易火紀周正帝系譜云天皇氏以木王

也謂天皇以木德王故或有草榮木替亦號萬齡三皇

疑二皇為義炎者非也皇地皇人皇開治各二萬八千歲而河圖帝系譜等

天地二皇俱萬八千歲始學篇則云八千歲按真原

云盤古氏後有天皇君一十三人時遭劫火乃有地
皇君一十一人各萬八千餘年乃有人皇君兄弟九
人結繩刻木四萬五千六百年皆難取信夫太素莫
莖固有定數然方此時歲曆未著烏從而紀之哉三

墳書以一歲為一易草木蓋以草木周禪為之紀辨
余今都波之人莫知四時之候女貞之俗不知正朔
紀年但云已見草青幾度流求之國以月生死辨時
以草木榮枯為歲儋崖觀禽獸產乳識時占藎芋戎
熟紀歲土番以麥熟為歲首宕昌党項皆候草木以
記時序太古之世中國之俗有以與蠻夷同斯不疑
者曰萬齡者亦
號數之萬余

伯陽父曰泰古二皇得道之秉立乎中央神與化
游以撫四方是故能天運地埽而輪轉無廢水流
不止而與萬物相終始然不曰三皇者豈非泰皇
之世人道大備非復二皇之代故退首乎十紀而
不遂與二靈參邪予故從之別紀二靈而返泰皇
氏於九頭紀

九頭紀第一

秦皇氏

地皇氏逸于有人皇九男相像其身九章見維胡泚

龍軀姓愷名胡泚字文驤首達腋王篇云亦臂出刑

馬山提地之國遁甲開山圖云人皇出於刑馬山提

老子之相厥山川形成勢集才為九州謂之九圍見

書春秋命歷叙云人別居一方因是區理是以後世

謂居方氏見三墳又雜書云人皇出於提地之國兄

肇此分矣今石碣有太平元正肇出中區太平元年

大中祥符五年聖祖降言上天祐德之意以為

一亦嘗降治國家之始祖云駕六提羽乘雲祇車見雜書寰宇記作抵車誤制

其八土為人立命守一得妙人氣自正太平經云三皇之時人皆

氣清深知天地之至情故悉得至道爰役風雨以御六氣昭明神靈光

際無臬挺捫萬物無門無毒以叶言教為天下谷教言

如云言辭迪出谷口谷口古塞門或云上賜谷蜀秦

猶文教也還乘青冥覆露六幕罔不承命上下道

裏高厚何德之僭其所付畀與人天參離良是仇書

摘三辭天八皇別長九州離良地精生女有佐無位

主不虛王臣不虛貴文子鶡冠子云九皇之制主不

自若吏民於次者無國歷寵歷錄副其所政教君臣

付授與天人參相結連鉤考之具不備也

所自起也飲食男女所自始也此言政教君臣所自起飲食男女所自始

則前乎此者無政教無君臣有當是之時天下思服

下男女不飲食者矣它可類推日出而作日內而息無所用已頽然迄終為世之日

兩皇並隆右中天皇而下河圖年代曆等皆記之三

百年小司馬氏取之不足稽也寶積記云斯頻國石

室中有三皇石像皆龍形長六丈天皇十二頭地皇

十一頭人皇九頭頭者人也有天地則有萬物有萬物則有男女有男女則有

夫婦有夫婦則有父子有君臣道也昔者太極泮

而渾敦氏職焉渾敦氏逸而有初三皇君三皇射

而二靈作二靈後乃有十紀其六在鉅靈氏之前

百七十有八姓其四在鉅靈氏之後三紀五十二
姓而疏仡之紀自黃帝始其歲之遠近置而勿論

可也略條刺于右端春秋命曆序云自開闢至獲麟二百二十七萬六千歲分

為十紀易乾鑿度及春秋元命苞皆云二百七十
六萬歲每紀為一十六萬七千年廣雅因之均為
誕妄夫二十九萬一千八百四十歲而反太素冥
莖此道之根本也推墮於曆數之理者能知之有
太素之年
說見餘論

其一曰九頭是為一姓紀則秦皇氏紀也秦丞相

有天皇有地皇有泰皇最貴者非貴於二
皇也以其阜民物備百臣政治之足貴也按孔衍
春秋後語秦皇乃人自王張晏云人皇九首韓敕孔
廟碑云前開九頭以叶言教是也秦皇即九頭紀
舊記不之知余真源吐云人皇獸倦塵事乃授籙
於五姓知為九頭紀也韋昭亦云人皇九人所謂

九皇然鷓冠子所稱九皇則又非此至
董仲舒繁露乃推神農為九皇異矣

五龍二是謂五姓紀治在五方司五類五行之布

山岳張陵二十四治圖云伏羲
造天地五龍布山岳也方是時也世亟巢

穴日月貞明真源云五姓乘雲車而治天下時人
穴真源云五姓乘雲車而治天下時人

蓋龍德而正中者也漢世祠之膚施春秋命曆序
云皇伯皇仲

皇叔皇季皇少五姓同期俱駕龍號曰五龍透甲
開山圖云五龍見教天皇榮氏云五龍爰皇後君
也昆弟五人而龍身然以五音五行分配為
五龍之名如角龍木僊之類而以宮龍土僊為父
又言五龍以降天皇兄弟十二人分五方為十二
部法五龍之迹行无為之化為十二時神是天皇
在五龍之後妄矣酈元水經云父與諸子俱僊治
在五方亦見李善遊僊詩注今上郡奢延膚
施縣有五龍山蓋其出治之所也故漢宣帝立五
龍僊人祠於膚施亦著地理志按膚施今隸延安

五龍山在焉有帝原水黃帝祠九域志云五龍池有黃帝五龍祠四在山上亦曰僊泉祠寰宇記五龍泉出山東一里平石縫雄吼甘美上有五龍堂而五龍谷水乃在耀之雲陽縣雲陽宮之西南又非上黨之五龍山也

攝提三是謂五十九姓紀孟詵錦帶前書謂之括提紀或作提捷提捷皆

非蓋攝提首紀余太史公言九皇氏没六十四氏興六十

四氏没而三皇興是也謂六十四氏蓋併五姓而

言而所謂三皇者乃合維之三姓也在漢皆餽漢

儀云九聖王之法祭天地日月星辰山川萬神皆古之人能紀天地五行之氣奉其功以成人者也故其祭祀皆以人事之禮食之天與上地金木水火土有石是矣又祭三皇五帝九皇六十四氏凡八十五帝九皇六十四氏為四類氏或作民誤

合維四是謂三姓紀龜圖出維從而合之所謂黃

為熊教人穴居錦帶書云合維四姓教人穴居乘

蜚鹿以理見真源賦

連通五是謂六姓紀或作乘蜚麟以理見賦蜚鹿

之類蓋皆馬名如蜚菟青龍白鶴野麋娥鹿走狐騶吾等尔

叙命六是謂四姓紀克以命叙駕六龍而治賦云

後付七十二姓駕六龍而治天下七十二姓者攝提六維連通叙命之四紀也然云次傳五龍氏又以六姓紀為後五姓次傳叙命紀合一百一十萬七百五十年至遂人則妄矣

右古六紀在鉅靈氏前

循蜚七是謂二十一姓紀自鉅靈氏而下紀也厚德

信在天下之人循其化以若飛也
陶弘景譜曆云上古有循飛紀

因提八如辰放氏之衣皮有巢氏之編董遂人氏

之出穴皆因其變而舉之也即十有三姓也諸記不一按維書云三皇

號九頭紀次五帝號五龍紀次攝提紀次連通紀次叙命紀次因提紀次禪通紀次為合維循蜚傳

之繆

禪通九是謂十有八姓紀史皇氏之通封禪者十

有八姓也二墳書作通姓氏又以九頭五龍提提

取然淺陋每難据云

疏侂十自黃帝氏而紀疏以知遠侂以審斷仁義道德之所用也自秦

氏没而嘗無君矣其亏民也聚生羣處無君親之

異仁義禮智之所不用也施報往來之所不行也

其有君者五紀予不知幾氏矣司馬貞曰九紀之

間豈惟數千百載三二十皇而已哉而莊周之說

易姓而王封泰山禪梁甫者蓋七十有二代其有

形兆整堦者千八百餘所然則宇宙之端握符登

紀為萬物之主者可勝記邪予讀易大傳而知天

地之有初翔于僻邑荒村悅見大古之俗顧豈侯

身親而後信哉昔者成湯之問夏棘曰古初有物

乎夏棘曰古初無物今烏得物使後之人而謂今

之無物可乎冉求亦問於仲尼曰未有天地可知

乎仲尼曰古猶今也曰然則昔吾昭然而今物然何也曰昔之昭然神者先受之今之物然又且為不神者求也祇稠新襲蟣蟲生之州沼創出蟲魚產之一氣之易萬物自見故雖天地必有初也而况於人乎譚敷云道言天地初闢一日為雞二日為狗三日為猪四日為羊五日為牛六日為馬七日為人賤者易生貴者難毓故今人以建寅之月一日起至七為人日其源於此蓋不知也兩間之物彼亦一無窮此亦一無窮以不接

而遽蔑斷之哉茲固存而不論秦皇以下五紀凡九萬載十紀者舊言六在遂八前鄭康成六藝論云遂人後歷六紀九十一代至伏羲始作十二言之教方叔攷注云九頭一五龍五攝提七十二合洛三連通六叙命四九九十有一如鄭所言則十紀皆在遂人之後

而四紀又在伏羲之後非也馬總之徒俱謂十紀通百八十有七代又云伏羲前六後三各立年歲亦准耶據張揖真到徐璽等余皆不可實

中三皇紀

路史第二卷

路史第三卷

廬陵羅

泌

男

萃承命註

循蜚紀 第七

鉅靈氏

鉅靈氏之在天下也握大象持化權秉太極而躋顛
淑立乎無間行乎無窮揣丸變化而與物相弊鍛遁

開山圖云巨靈與元氣齊生為九元真母出於汾隍汾水之隍上也其地

慶軍是廣嶺云鉅靈坐於汾隍今華陰縣北一揮五

百二里有鉅靈廟九域志云鉅靈祠河中府也
丁之士驅陰易反山川正流僉生神化大凝李淳風

元始判氣天皇上帝鎮立名山各有所屬分野蓋當是時六合之門有未融者故鉅靈女媧之徒以神通智力出而贊化也五丁蓋非一按世本及蜀紀華陽志益州記十三州志成都記等皆言五丁事蜀工閉明負力能徙山通石則目以五丁矣又言五丁其時未有號謚但以五行方色為主故廟有赤黑黃白之帝惟无恒處或云治蜀蓋以其迹躔焉傳載鉅靈之迹多在蜀豈別一鉅靈邪薛綜以鉅靈為河神蓋本水經所引謂國語華岳當河河神巨靈手盪脚踏開而為兩言之今國語亦無此文又漢武帝內傳時東都送一小人長七寸東方朔謂為鉅靈異矣

予既得丹壺名山之記又得呂梁碑獲逆帝王之世乃知天未喪斯文也丹壺書云皇次四世蜀山
逐魄六世渾敦七世東戶十七世皇覃七世啓統
三世吉夷四世九渠一世希韋四世大巢二世遂

皇四世庸成八世凡六十有八世是為因提之紀
倉頡二世栢皇二十世中央四世大庭五世栗陸
五世麗連十一世軒轅三世赫胥一世葛天四世
宗盧五世祝融二世昊英九世有巢七世朱襄三
世陰康二世無懷六世凡八十有八世是為禪通
之紀可謂備矣而又有鉅靈氏句疆氏自句疆而
下次譙明氏次涿光氏以次至次民氏如下所叙
總曰循蜚紀有號而無世自是而上亦惟有九皇
氏地皇氏天皇氏又上而乃有盤古氏基之渾沌
之說其言渾沌之初所謂上無復色下無復淵為

說甚繁非足貽訓故絀焉自無懷降所叙與名山
記大同此予之史篇所取獻者也鉅靈之號此世
所聞焉者也遁甲開山圖云鉅靈與元氣齊生惟
始氣之先者又曰鉅靈胡者偏得神元之道造山
川出江河神化之宜豈非褐冠子之所謂尸氣皇
者邪予得是書乃更爲之不疑也然上之五紀卒
寂寥而無詔系不得而綴矣茲亦可謂富也謹闕
之以俟

以下辨論本史成而立說元不在正紀中子
姓楫客準例諸史將便觀覽取之以附於逐

篇之末故其中所用字俱在已所用有異覽
者知之

句彊氏

譙明氏

涿光氏

伯益之書有譙明之山涿光之山而俱載於北經
譙明涿光信其爲繼治者乃知邃故之事非必無
傳特恨幽介弗之究余予觀於經而信二書之足

丁也

鉤陣氏

黃神氏

黃神氏或曰黃株黃頭大腹出天參政

見春秋命曆叙云出天齊

政則有官統故賈公彥云九頭紀時有臣無官人皇有輔佐燧皇伏羲既有官則其間九皇六十四氏有官明矣無文字以知官號也无易天生无散大璞按圖正端是致

天極鵬冠子云物之始也傾頤至其有也碌碌至其

无易天生无散大璞自若則清動之則濁神聖踐承翼之位與皇神合德按圖正端以致天極兩祭四致

息云云三百四十歲拒神次之號曰黃神按命曆叙

有所謂黃神蓋與此異本起經云三始之道太初者道之初也其初精盛則為元明名曰太陽又為元陽

子丹乃化道君故曰道之初歲在太素是為一氣太素者赤氣也初變為黃名曰中和中和為老子乃化

神君名曰黃神入於骨肉以之為人故曰人之素藏在大始則之氣也大始者氣之始也黃氣乃復歸于

白氣白若水精名之太陰為太和君此為三氣特亦體中之事而歸藏經言者黃神與炎帝戰于涿鹿則以為黃帝矣抑又非此

拒神氏

人皇氏没拒神次之出於長淮駕六蜚羊政三百歲

五葉千五百歲見春秋命曆叙

犁靈氏

東荒經有犁靈之尸犁靈氏之尸也以不壤

於予之路史亦異矣凡孔聖之未嘗言者予皆極

言之矣予非好為異也非過於聖人也夫以周秦

而下汙于今耳之所納目之所接其駭於聽笑者

夥矣况神聖之事凡之莫既者邪是堯舜崇仁義
六經論語其理備矣顧且言之吾見焦唇乾呃而
聽之者愈悠悠也是故莊周之徒罵以作之意以
起之而後先王之道以之嚴然則予之所據正亦
不得而不異余予悲夫習常翫正與夫氛氛日趨
於奇者之不可以虛言格也於是引其曠而景者
著之此亦韓將軍學兵法之義而蕭相國作未央
宮之意也雖然談詭亂惑猶弗薦焉覽者知夫讓
王胠匪漁父說劍之借則吾知免矣

大駝氏

大駝氏見於南密河南南密縣有秦駝山記謂大駝氏之居即具茨也或曰泰

塊昔者黃帝訪泰塊於具茨中山經次七斂山之東三十里大駝山又次十

一有大駝山注熒陽密縣大駝山也即具茨今在許

之陽翟集韻具次山一作次疾詳黃帝紀言歸大駝

即大一曰大駝姓源韻譜云大木有大蓋設於死垓

鬼駝氏

鬼駝氏後有鬼氏饒氏攘氏利氏鬼駝氏鬼及鬼駝皆古侯國

和菟史云古有大鬼氏鬼鬼氏鬼駝古通用者夫論

云鬼姓饒攘利是也三國宜皆炎黃之代對之一作

弇茲氏

泰逢氏

和山者寔為河之九都吉神泰逢司之於黃山之陽

出入有光

見山海經今東陽有黃山孔甲岐處字音培集韻倍負同音培云河神一云倍尾山

世紀云即東首陽山太平御覽作首山音為類繆矣泰逢氏之神也

子曰鬼神之為德其盛矣乎昔者宰我請問鬼神之名子曰氣者神之盛也魄者鬼之盛也合鬼與神教之至也故無鬼神則鬼神之名不立矣柰何季路之問事鬼則曰未能事人既問死則曰未知生說者徃徃以生死鬼神為性命道德外事有不

可以致詰而子路未可與言故夫子不與之言

夫若是則夫子既不誠於人之子矣聖人之言未嘗不自盡也鬼神生死人事之大奚為而不語邪蓋能事人則能事鬼知生則知死矣生死者特性命道德中之一事而鬼神者特性命道德中之一物亦豈復外乎雖然神者天之徒鬼者物之徒也惟人之初與天為徒孰不具此神哉惟生之後開閉之不謹而好惡之偏適從而蔽之也古之聖人惟其然也是故開天之天而不開人之天閉人之竇而不閉天之竇開天者德生開人者賊生德生者陽明勝陽明勝故識性用賊生者陰濁盛

陰濁盛故物欲行識性用則歸于神物欲行則歸于鬼歸于神者與天爲徒歸于鬼者與物爲徒亦天地之理也今夫天陽而地陰魂陽而魄陰是故智氣歸天而體魄則歸地神陽而鬼陰君子陽而小人陰是故正直爲神而儉險則爲鬼德陽而欲陰男陽而女陰是故德盛成男欲盛成女禽陽而獸陰老陽而釋陰是故釋誤多毛老誤多羽君子於此其可不愆又愆而自憤於鬼物之區哉三五之時人聰明而淵懿純天而不人是以黃帝大少神異顯奇享享乎其上句龍芒屨祝融玄冥作配

乎其下其事然也帝嚳而來不能紀遠然而禹強關伯玄枹諸稽實沈駘臺咎陶伯益豕韋夔稷之流秩猶不遷之祀橫窮卓偏剛毅一真烏往而不神哉叔末之人佔佞儉保綦溪利跂正真之道削而儉險之行多是以不能神明而歸于物詩云三后在天主配于衷本賢愚也孔填不寧降此大厲逢吉凶也三塗六道其僭有自來矣期期區畛亦予之執執肺也

冉相氏

冉相氏得其環中以隨成與物無終無始無幾無時

曰與物化者一不化者也此之謂真人

見南華真經注云環中中

庸之道

中之為道帝王之心即治天下之正道而聖人所以示世入德之大方也自成世以來未有不本是以為政而能馴致於太治者今夫率意而射則終日無所中率意而視則終身無所與必也質的設而後天下之手無異鄉日月揭而後天下之目無異屬聖人之道獨立乎中而後天下之心無兩從蓋中也者極之則世人之日月質的也衆見之所宗萬手之所會理之至義之盡配天地而不可以

復進是故道得之而為太一天得之而為天一帝得之而為帝一帝一者立乎環中渾兮如有容泊兮如未始出其宗而茫兮無所終窮自伏羲氏以之傳炎帝氏以之傳黃無異付也堯帝氏以之傳舜帝氏以之傳禹無異語也降及湯文伊尹周公而中之所以為變者盡矣春秋之世惟皇不極而厥庶民亦失其所以保極之道以故上慢下暴王室如燬數百千年而不之復則極之不建其禍正如此也嗟乎臯謨箕範中極之說備矣此家所有也大易之書明言中者五十有五所不言者

否剝屯頤咸革賁遯明夷九卦而已內之中六十
有四外之中亦六十有四得其中動罔不吉失其
中動罔不凶是故否剝之五亦獲其吉而復泰之
三不免乎凶惟其中之不可失也雖然中庸之德
民鮮久矣自漢諸儒取過不及之說類之孔伋之
書世遂泥於過與不及之中求之亡其統矣夫君
子之於中無過也有不及而已致廣大極高明夫
孰得而過邪冉相之道茲其所以寂寥希闊而不
繼之豈不制歟聖人人倫之至者也欲為君盡君
道欲為臣盡臣道盡倫盡制豈過不及之云乎

而彼僭者附誠曰假權變繳繞咕囁以綢其烟而
濟其姦豈惟無忌憚哉其不至於幸小人而病君
子亦已矣此子之所以贊冉相氏而為中庸泚也

蓋盈氏

若水之間禹中之地若水之間地當川蜀在西南方此禹中之名所為立以知東北

朔易前聖之為有說不有蓋盈之丘蓋盈氏之虛也
蓋朝易說詳發揮一海內朝鮮記南海之內禹中之國以去有九丘有神陶唐之丘叔得之丘蓋盈之丘昆吾之丘黑山之丘神民之丘以水絡亦陶唐昆吾之流也

大敦氏

雲陽氏

雲陽氏是為陽帝

見道書

蓋處于沙

沙長沙所謂萬里沙見遁甲經今茶

陵西南十里雲陽山也又

亦著甘泉以故黃帝以來

大祀于甘泉

甘泉山本亦曰雲陽杜馮

云丹徒

董覽

記云曲阿秦時曰雲陽嶺太康地記云曲阿本名雲陽秦始皇鑿北坑以敗其勢截其道使何曲而名吳

錄云改曰丹徒天寶絳北者非也

十道志言雲陽氏

元年曰丹陽今屬潤

以為雲陽先生之墟言陽石山中有神龍池黃帝時

雲陽先生養龍於此為歷代養龍之處水旱不時祀

之中有神書鐵券王石之記故三輔黃圖引為雲陽

先生然開山圖所言陽石山在絳北又非雲陽氏也

遁甲經云沙土之福雲陽氏之虛也可以長往可

以隱虛陽之山在衡山之陽只今茶陵之雲陽

山也予汝湘道其麓見山川之靈秀土膏水沉

方皇不忍去亦意嘗有異人者自之西首山阜麗

倚皆西面而北上朝衡領矣然攷之皇甫紀實為

少昊之封雲陽氏之蹤固在甘泉甘泉之山本曰

雲陽以故黃帝以來每大祀于甘泉則長沙之地

其亦為始封乎雖然丹陽曲阿亦秦世之雲陽領

也吳地記錄曲阿正秦代之雲陽領太史時言東

南有天子氣在雲陽間秦人於是發赭徒三千鑿

雲陽之北岡曲之因曰曲阿則今之丹徒也昔吳

岑昏鑿丹徒至雲陽杜野小辛間而陳勳屯田鑿

句容中道至雲陽西城則今之破岡瀆也故杜佑

以丹陽為古靈陽而學道傳謂是茅山若絳北之陽石者非其止矣載言之流以為僊者蓋知其異也

巫常氏

秦壹氏

秦壹氏是為皇人

道言天真皇人者秦壹也杜甫云秦壹奉引包義在右堯步舜趨禹

馳湯驟

開圖挺紀執大同之制調大鴻之氣正神明之位者也是故九皇傳授以索其自然之所生復自然

之解與天地之所

知凡鷓冠子三皇經云皇人者秦真一五牙之法秦帝者秦皇氏也傳言秦帝與神鼎說者以為伏羲失之三十九章經云九皇上真玉虛

問秦壹天地人之事三執急云昔者神農嘗受事

于秦壹小子經本草而黃帝老子皆受要於秦壹元君

蓋范无形嘗无味

要會久視操法攬而長存者開元詔盧

鴻云鴻有秦壹之道寶華云洪荒無為之道按鷓冠子云秦壹之道九皇之傳清成之初太始之末見不

祥事於名理之外范无形嘗无味以要名理之所會抱璞內篇及玄錄皆言秦壹餌金液而仙而毫人謬

忌謂秦壹者天神之最貴故漢武以李少翁之言祠秦壹于甘泉然道書謂秦壹君者諱臆又言身中亦

有所謂秦壹者諱務猷蓋不足攷有兵法雜子陰陽雲氣黃治及秦

壹之書兵法雲氣書傳聞出而黃治雜子漢後不復

見漢志七略有神農兵法黃帝兵法又有秦壹兵法

一篇有伏羲雜子黃帝雜子又有秦壹雜子五十二篇秦壹雜子星二十八卷秦壹雜子雲雨三十四

卷秦壹雜子黃治三十一卷秦壹雜子候歲二十二

卷秦壹雜子黃治三十一卷秦壹雜子候歲二十二

卷秦壹雜子候歲二十二

卷泰壹陰陽二十三卷

其書言黃帝詣娥眉見天真

兵法今或見之兵書

真人三一經云黃帝游靈臺青城山絕巖之下見大

抱璞子等皆言黃帝謁娥眉其書甚著或云在青城

乃見審封於青城尔事見玉匱審封告帝曰天真皇

人在娥眉山因授龍躡等事見上清記及青城等

記今青城有審封洞空軒石壇及黃帝轍迹甚多

拜之王堂曰敢問何為三一之道皇人曰而既已君

統矣又咨三一元乃朗抗乎古之聖人蓋三辰立畧

景封域以判邦國山川以分陰陽寒暑以平歲道執

以衛衆交質以聚民備械以防姦車服以章等皆法

乎天而鞠乎有形者也天地有啓閉日星有薄失治

亂有運會陰陽有數賢愚之蔽壽夭之質貴賤之

事吉凶之故一成而不變類氣浮于上而精氣萃于

下性發乎天命成乎人使聖人以爲之紀是以聖人

欲治天下必先身之立權以聚財聚財以施智因智

以制義繇義以出信仗信以著衆用衆以行仁安仁

以輔道迪道以保教善教以政俗從俗以毓質崇質

以恢行勤行以典禮制禮以定情原情以道性復性

以一德成德以叙命和命以安生而天下自尔治萬

物自尔得神志不勞而真一定矣予以叢余之身而

百夫之所爲備故天和莫至悔吝屢庚生殺失寒暑

之宜動靜戾剛柔之節而貪欺終無所用无乃已浮

乎黃帝乃終身弗違而天下治其為教也至矣

此所謂王

佩金璫妙文也自使聖人以為之紀以上水火大淵

集仙錄稍革其語以為雲華告禹之言

之事其所言哉楊谷授道記云黃帝見天皇真一之

予所叙古之帝王其世治壽考無以稽矣計其季

皆不乏三數百歲黃帝曰上古之真人壽蔽天地

蓋天真全而天一定不滑其元者也又曰中古之

時有至人者益其壽命而強者也亦歸于真人而

已蓋乘間維而基七衡陵閭闔而隘八落者也又

曰後世有聖人者形體不蔽精神不越亦可以齡

逾數百雖有脩縮之不齊亦時與數當然亦然未

有不死者見素問天老養生經老子云人生大期

釋氏有所謂無常經云天地及日月時至皆歸盡

此言雖陋以台觀之物莫不有數有數故雖天地

莫能逃山亡川邑郡陷谷遷沙漠遺舊海之蹤厓

險著蟠羸之甲晉殿破楹昆明劫灰則所謂地屢

敗矣河側州郡今歲在河南南明年决出河北東西

海岸亦皆如是今西北荒外沙漠之間皆是

石自天星碩如雨或夜明逾晝或越裂崩地則天

有時而毀矣雨土實石星晝夜明並詳發揮雨粟

年天東北開晉太康二年西北裂太安二年天中裂咸和四年西北又裂昇平五年天中裂哀帝即位又裂梁太清二年西北裂陳至德元年十二月從西北開至東南或百丈或數十丈有聲如雷山維皆叫或見宮室之類按內記云天墜將相死若見名字妄言語為凶殃十二年易主蕭子顯齊書永元中夜天開而時趙錄建元初天大裂麟嘉二年天崩五年又崩唐乾元四年正月十八天中半裂是均于幻故曰乾坤毀則無以見易易不可見然亂應可知故曰乾坤毀則無以見易易不可見則乾坤或幾乎熄矣宛首亦曰天地運度亦有否終日月五星亦有虧盈而況於人乎宛首道君之號柰何封君世辟不知乎此蔽于方士之言以求不死不死邈然而小者亂貽天下大者喪身失國不可勝數矣稽之其徒初無是說許王斧言黃帝壽萬以

疾崩楚橋山莊周言老子之死秦佚弔之三號而出而師曠亦謂周太子晉色赤不壽後三年而死孔子聞之曰惜哉殺吾君也是老子初無青鹿上陞之事黃帝初無蒼龍高蹈之言而子晉初無綵鳳空騫之語皆方士之徒設辭以愚弄其君而取寵亦自其教之害焉且物壯不老是謂不道陰陽固有終變偃佺千歲老彭七百亦必死而已矣而荒君亂主方僕僕信事之以至於敗亂而終不悔豈不懷哉昔班生謂道家本出史官歷記成敗存亡禍福古今之道然後知秉要以自守清虛以自

持君人南面之術而老君亦今寇謙盡去三張偽法蓋氣穢事謂大道清虛顯以禮度為首豈有茲事竊究其要與世禮正翹翹而尤以信行為軌軌初无不死之言子真云死生有命而孔子亦曰衆生必死自古皆有死使孔子而非聖人則斯言為不可信予悲夫世主之甘心於其龍瞽而不悟也故博觀死生之際而極論焉尚其曉然知之而不蹈於悔也

空桑氏

空桑氏以地紀空桑者究鹵也其地廣絕高陽氏所

嘗居皇甫謐所謂廣桑之野者或云窮桑非也窮桑

在西小顛之居詳少昊紀若乃伊尹之生共工氏之所灌

則陳留矣伊尹產空桑在陳留非魯地且不韋等謂伊尹之母化為空桑尹生其中大妄

空桑在東窮桑在西歸藏啓莖云空桑之蒼蒼八

極之既張乃有羲和是主日月職出入以為晦明

蓋指隅夷之地故記孔子生於空桑春秋演孔圖

云徵在游於大冢之陂夢黑帝謂已汝產必於空

桑而于寶所記徵在生子空桑之地今名孔竇在

魯南山之穴故孔廟禮器碑云顏育空桑空桑魯

北孔子魯人故說者指云空桑槩而言之魯南山

穴之說正自戾矣乃若共工氏之振滔鴻水以薄空桑則爲莘陝之間伊尹莘人故呂春秋古史攷等俱言尹產空桑空桑故城在今陳留固非魯也故地記言空桑南杞而北陳留各三十里有伊尹村而所謂窮桑則非此矣拾遺記言窮桑者西海之濱也地有孤桑千尋蓋在西垂少昊之居梁離之域故周書嘗麥云帝命蚩尤宇于小顛而遠游章句西皇所居西海之津西皇者少昊之稱而小顛者少昊之正字也宜爲咸陽故咸陽曰雲陽而少昊一曰雲陽氏雲陽縣今隸曜漢甘泉宮即武

帝之太時也顛頊繼少昊者故世紀顛頊亦自窮桑遷商丘事可知矣而杜預遽以窮桑爲在魯北至釋例地名乃云地闕故顛達云言魯北者相傳言亦蓋以定四季傳封伯禽於少昊之虛逆之而樂史之所記乃在曲阜此又因顛而妄之也太昊在東少昊在西予旣言之拾遺遠遊窮桑旣在西極則魯曲阜之說得非太昊之虛乎郡國志云少昊自窮桑登帝位非空桑也

神民氏

天地開闢爰有神民氏神異業精氣通行

見潛夫論上列都

於神民之丘山海經陶唐等九丘有一曰神皇氏駕

六蜚鹿政三百歲春秋命曆叙

倚帝氏

都倚帝山山海經有倚帝之山唐吳筠下第遂居南陽倚帝山即此實子野云今內鄉東三十

里踣立

次民氏

次民氏是為次是民洛書摘云辟注以次是民為皇次屈非也次是民沒

元皇出天地易命以地紀此春秋命曆叙文與洛書

始穴處之世終也六皇者此此以下辰放氏而始穴處之世終矣

丹壺之書其不繆歟今既闢著而或者有不厭命

歷之叙其亦有所來乎胡為而多蓋也貴人云何

子之好言古曰有是哉今古一也若以古為見邪

荀況有言詐人者謂古今異情是以治亂異道而

眾人惑焉彼眾云者愚而無知陋而無度者也於

其所見猶可欺也況千世之傳乎彼詐人者門庭

之間猶挾欺也況千世之上乎以心度心以類度

類以說度功以道觀盡今古一也類不字雖義同

理故往緣曲而不迷也五帝之時無傳人非無賢

人久故也五帝之中無傳政非無善政久故也虞

夏有傳政不如商周之察也而況次民倚帝之時

乎以今觀今則謂之今也以後而觀則今亦古矣
以今觀古則謂之古以古自觀固亦謂之今也古
豈必古今豈必今植自我而觀之千世之前萬世
之後亦不過自我而觀余傳近則詳傳久則略略
則舉大詳則舉細愚者聞其大不知其細聞其細
不知其大是以文久而惑威節族久而絕曷古今
之異哉

右循蜚紀二十二氏六十餘世

路史第三卷

